

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Vindicta.

**urn:nbn:de:hbz:466:1-14259**

A alitos & educatos, sine ulla injuria aliquamdiu pacatissime conjunxisse, ac si domestica & ejusdem generis animalia fuissent: verum cum Ursia quodam impetu percita contubernalem Canem dilacerasset, commotum Leonem violati hospitii scelere, in Ursam proruisse, eaque pariter dilacerata meritas pro Cane poenas exegisse.

## VINDICTA. CAP. XVII

**L**Onge vero diversum à superiori significato est, quod ulciscendi studium per Leonem telo confossum plerique pingere instituerunt. Vulneratus enim Leo observatione mira percussorem, novit & in quantalibet multitudine unum appetit; & si detur copia, fcedissime lacerat & discerpit. Ferunt Juba Maurorum regi præstantis animi juvenem fuisse comitem, dum per deserta Africa, rerum fuarum componendarum studio, rex cum exercitu proficiseretur, ex itinere vero Leonem ob viam factum à juvene illo ipso sagitta percussum in sylvam recessisse, anno vero post cum Juba rebus ex voto compotis eadem copias traduceret, eundem illum Leonem observato juvenile, à quo vulnus acceperat, unum illum è tam magno militum numero violentissimo cursu hostiliter aggreditum,

B nulla vñ cohiberi potuisse, quin correptum juvenem miserabiliter dilaceraret, nemineq; aliorum læso ultiōne ea contentum, decessisse. Pythagorici porro animam Cambysē regis Ægypti in Leone se deprehendisse ajebant, unde illi animus imperii cupidissimus fuerit, & maxima quæque semper appetierit. Cæterum, hac quoque potest assignari causa: quod illis temporibus, quibus claruit, neminem in ultionem eo magis propensum fuisse notum est, qui nunquam Ægyptios persequi odiis armisque, & omni vexationis incommodo affigere destitit, eis semper infensus, donec in omni Ægypto rerum potitus, sacrī omnibus profanatis, populos totius regionis male tractando, defessus potius quam satiatus est. Facit ad hoc illud, quod visi Leonis oftentum, belli principium conjectores atque augures tradunt indicare, quod quidem eleganti trimetro apud Græcos exprimitur.

Mεωτας ιδειν δυσμενων δηλοις μελχαι,  
Visse Leonum imagines noctiū indicant occidionem ab hostibus.

<sup>a</sup> Nempe à  
Suida reci-  
tat Ensm.  
Chil. 3 cent.  
6. proverbs.  
58.

## REGIUM AUGURIUM. CAP. XVIII.

**C**Alioqui Regibus augurium dare Leones soliti sunt, ut is qui Juliano Imperatori Gordiani tumultum cum exercitu prætergesso, sese obtulit, immanissimo corpore ejus aciem invasurus, à qua multiplici telorum iactu confossum est. Obitus enim Regis ex hoc portendebatur, inquit Ammianus. Verum antea Maximino Cæsari cum Narseo Periarum Rege jam congressuro, itidem Leo & Aper ingentes trucidati simul oblati sunt, tamen evenit, ut is ea fera admodum gente superata, incolumis & sine damno discesserit. Et Sandrocotus Indus obscurō genere, cum Alexandri furorē pedum perniciitate declinasset, fessusque somnum in sylva captaret, à lambente Leone sudorem sibi sensit abstergi, quoque pæcto inde præfēctis Alexandri oppresis, Indiae regnum invaserit, à Trogo traditur.

## ANNUS MENSESQUE. CAP. XIX.

**E**T quoniam incidimus in augurio non abs re fuerit commemorare, quod Leonæ, quæ catulos <sup>Leona cæsa</sup> octo utero gestabat, à venatoribus in Mesopotamia cæsa exenterataque, quo tempore Apollo-<sup>in Mesopo-</sup>nius Tyanaeus ea iter faciebat, indicavit eo interpretante, annum unum & menses octo illum apud <sup>tamia quid.</sup> Barfanem Babylonie moraturum. Interrogantibus comitibus, cur non potius annos IX. interpretetur, cum ex passere & pullis octo à Serpente devoratis, apud <sup>b</sup> Homerum annos itidem no-<sup>b</sup> Illad. 8. vem Calchas intellexisset: Editi jam illi fuerant, respondit Apollonius, <sup>b</sup> i. vero adhuc in utero nondum faturam compleverant: quare mensibus potius quam annis assimilantur.

## CRAPULA. CAP. XX.

**S**unt enim qui hominem ad satietatem usque crapulatum, per Leonem frusta carnium depauperantem indicari velint. Animal siquidem hoc cibo incontinenter admodum utitur, multaque <sup>Voracitatem</sup> Leonis. devorat solida, sine ullo dislectu quæcumque potest, mox à saturitate nihil biduo aut triduo edit: quam scilicet voracitatem Juvenalis tangit, ubi multa pascendum carne Leonem, dixit: atq; inde fit, ut gravis illi ob cruditatē exhalet anima, quæ teterimi semper odoris est. Quocirca nonnulli gravem animam